

তোমাকে পাশে নিয়ে

এফ. আহমেদ

তোমাকে পাশে আলিঙ্গনে জড়িয়ে
আমি হেটে যেতে পারি সহস্র মাইল।
বিনা ক্লাস্তিতে পার করে দিতে পারি -
বন থেকে বনান্তর।
আমার তোমাকে নিয়ে তেমনি হেটে বেড়াতে ইচ্ছে করে -

যেন পথ না ফুরায়।
যেন জনহীন প্রান্তর -
শুধু তুমি আর আমি,
গল্প করছি আর হাটছি।
কখনো নীরব ভাষায়
বলে যাচ্ছি হৃদয়ের সব কথা
কখনো অনুভবে
বুঝে নিচ্ছি সব আকুলতা
মাথার ওপর খোলা আকাশ
গাছের ফাকে ফাকে দেখা যাচ্ছে
বৃক্ষরাজি ঢেকে দিচ্ছে
রোদের সব তীব্রতা।
ছাতার মত আগলে রাখছে
বৃষ্টির আক্রমণ থেকে,
গাছে গাছে পাখির কাকলী
আনন্দে ভরে দিচ্ছে মন
পাশে বহমান জলধারা
দিচ্ছে চলার গতি।
ঝরঝরে হাওয়া
সব ক্লাস্তি দিচ্ছে দূর করে।
আছে কি এমন কোন স্থান
এই সভ্যতার যুগে?
হবে কি পাওয়া
আমার এই স্বপ্ন বাস্তবে?